

欽定剿平粵匪方略

欽定勦平粵匪方略卷四百十九

附設立長江水師章程

八年三月二十日軍機大臣戶部兵部工部總理各國事務衙門會奏言查水師舊制凡湖河紛歧之處如湖廣江西等省原設有內河水師其濱海各省如江浙閩粵均設有外洋水師不獨江蘇也而由江入海由海入江江蘇實爲一

大門戶第沿習日久軍政廢弛欲加整頓自不能不量爲變通曾國藩所擬各條臣等公同商酌現在東南各省軍務告竣備豫不虞當以海疆爲重該督熟諳戎機且莅江有年江南水師之利病非確有見地必不將二百餘年之營制輕議更張應請

飭下兩江總督等查照原議妥爲辦理務使兵歸實

用餉不虛糜俟江蘇水師定章後再請

飭下沿海各督撫各就各省體察情形如有應行變  
通整頓之處亦卽詳籌妥議據實奏

聞請

旨遵辦所有臣等遵議緣由謹逐款繕具清單恭呈  
御覽伏乞

訓示遵行

集賢堂奏稿卷之二十一  
二  
議覆江蘇水師事宜

一分別內洋外海及裏河三支查江南水師向祇內河外海兩支今該督擬改爲內洋外海裏河三支旣與長江聲勢聯絡卽外海亦足資撫馭應如所請准其更改至移調各營有原制內河今改爲外海者有原制外海今改爲內洋者地勢旣異人缺是否相宜應令詳

查另議

一內洋外海水師分立營數查江南福山一鎮  
係道光二十三年始行添設今該督因外海  
之營太少擬將提督所轄之南匯營蘇松鎮  
之中營左營狼山鎮之掘港營福山鎮之川  
沙吳淞二營共爲外海六營其蘇松鎮之右  
營福山鎮之左營狼山鎮之右營並新設長

江之水師案內添設之通州營海門營共五營  
改爲內洋水師分別設防所擬尙屬妥協應  
如所奏辦理其巡哨之章程失事之處分暨  
內洋五營與長江之江陰營如何分別巡哨  
互相防衛均應一併妥籌續議

一裏河水師分立營數查江南提標右營太湖  
左營右營原制係屬內河水師今該督擬改

爲裏河水師並添設淞北營淞南營共爲五  
營不復分隸各鎮專歸提督統轄仍聽督撫  
節制自足以一事權應如所奏辦理至此五  
營旣據奏稱所分地段太寬支流太多凡近  
水地面有事皆係水師之責其離岸較遠處  
所勢難兼顧應如何與陸營分防汛地仍令  
妥籌續議



一狼山鎮新設之通州海門二營仍須酌改規制查波濤浩瀚之處非船制合宜斷不能適用該督以需費頗昂較原議酌減數目自係因地制宜應如所擬辦理惟此項船隻需用緊要固不可偷減工料致有草率亦不可借詞浮冒糜費錢糧應於創造之時委員確估將丈尺做法銀錢數目保固年限造冊報部

以備稽考其江蘇內洋外海水師旣已另立  
規制所有前次議歸狼山鎮兼隸長江水師  
之通州海門二營自應改歸江南提督專管  
長江水師提督兼轄以期互加考察

一各營船制數目查江南水師該督擬造廣艇  
十二號外海六營每營各撥二號每號配兵  
四十名八團三板六十四號內洋五營每營

各撥十二號每號配兵二十名長江三板七  
十六號淞北淞南營各十五號太湖兩營各  
十三號兼用八團三板各二號提標右營二  
十號每號配兵十四名火輪船四號每號配  
兵五十名至八十名不等應如所擬照數添  
設俟添設完竣造入彙題冊內報部江南水  
師船數自道光二十四年改造後見諸咸豐

二年估冊所報者如原設大舢船十二號續  
報添造九號計二十一號按冊可稽者僅一  
十九號大三板船八十五號可稽者僅七十  
三號小三板船三十八號可稽者僅三十二  
號其中分配各營如南匯營大舢船一隻大  
三板船四隻蘇松中營大舢船三隻大三板  
四隻蘇松左營大舢船三隻大小三板船各

二隻吳淞川沙二營各配大舢船三隻大三  
板船五隻小三板船二隻掘港營大三板船  
二隻蘇松右營大舢船三隻大小三板船各  
二隻福山左營大舢船大三板船各三隻小  
三板船二隻狼山三營大三板船十七隻小  
三板船二隻提標右營大三板船四隻小三  
板船二隻京口左右二營各配大三板船五

隻小三板船二隻高資營大三板船四隻小  
三板船八隻劉河營大三板船三隻小三板  
船二隻福山中營大三板船五隻小三板船  
二隻福山右營大三板船三隻小三板船二  
隻太湖鹽城東海四營並無專案此其大略  
也合諸營可考者計之比較璧昌原案大小  
牽算又少一十一號可見營政廢弛日就因

循百廢具興正在今日該督刪除積習力求  
實濟正合窮變通久之道所有廣艇三板等  
船一百五十二隻應准其如數動款興修以  
資捍衛各營船制數目擬添戰船共一百五  
十六號自應如所擬辦理惟外海船隻與內  
河不同務須工堅料實始能利用擬請由該  
督查明各船做法應用物料確估錢糧督飭

如式興造以期經久工竣之時取具成造之  
員保固年限並造具細冊報部備查

一添用輪船協巡查八團三板等船旣不能逆  
風行駛輪船則風水無礙應如所擬辦理此  
項火輪船四隻應由該督咨行該省督撫轉  
飭上海鐵廠趕緊造辦以資駛用並將船名  
號數隨時咨報查覈



一設廠修造戰船查廣艇三板兩項需用經費銀兩應令該督將估計實數並若何指款動支之處報部覈辦火輪兵船四隻旣據該督於計算經費條內擬在二成洋稅另議動支係爲海疆水師經理久遠起見應如所議辦理至按年編號輪流興工並嗣後有添製裁撤之處應令隨時奏報此項輪船或在上海

船塢整理或赴廣東購造應由該督酌覈情形咨會各該省督撫妥辦

一新營與舊制酌量更改查該督酌改舊制係專以管船爲主其無船之官兵皆應裁撤俾與船數相符至江南內河水師兵丁八千零二十一名外海水師兵丁六千七百七十六名新章擬裁去兵一萬一千餘人係爲減兵

增餉起見均應如所議准其裁撤江南水師  
二十一營據道光二十八年兵馬銷冊及咸  
豐二年估餉冊報副都遊守三十八員千把  
外委二百一十六員兵一萬三千九百二十  
七名較中樞政考原制千把以下官多十三  
員兵少八百七十名係經歷次添裁改撥除  
南匯等十二營存兵二千三百四十四名又

鹽城東海營仍留原額一千一百二十二名  
合裁去原額一萬四百六十一名益以通州  
海門營改定兵額四百八十名計十六營中  
共合定額三千九百四十六名照估冊實裁  
去兵九千九百八十一名其節省餉米乾銀  
應令該督歸於新定營制兵船兩項互相抵  
算報部覈辦

一弁兵薪糧查江南水師兵丁舵工月餉章程  
馬兵月支銀二兩步兵月支一兩五錢守兵  
月支一兩大船正舵工月支一兩五錢小船  
正舵工月支一兩大小船隻副舵工均月支  
銀五銀本屬不敷養贍今該督請將江蘇水  
師裏河內洋弁兵糧餉均照長江水師章程  
給發其外海六營又議從優較定例增至數

倍而減水師兵額以濟經費之闕實於營政餉需兩有神益應均如所議辦理

一淮揚水師應行緩辦查該督前議淮揚與安徽洪澤湖共立一支水師近因榮澤決口河流未定局勢恐有變更所有淮揚水師之議自應緩辦至湖北湖南江西三省一帶支河湖汊原有另行設防之說據稱長江礮船足

數各省調遣該三省似可無須另立水師應  
否再設應請

飭下兩江江西湖北湖南各督撫體察情形奏明辦  
理

一緩撤太湖水勇查該督擬將太湖水師七營  
之船改爲裏河五營之船自係斟酌情形變  
通辦理應如所請准其將應裁之營哨各官

遇有裏河五營缺出卽行酌補以便駕駛而  
慣舟居至裁撤水勇江蘇太湖尙存七營今  
裏河旣立五營應將七營水勇儘明年內裁  
撤每撤一營騰出礮船卽交舊兵不足者募  
水勇充補係爲兵丁習慣舟居起見亦應如  
所擬辦理

一裁出之缺分標另補查此次所裁江蘇內河



外海水師千把外委六十餘人新設長江通  
州海門兩營共裁守備千把外委二十三人  
該弁等本有實缺人員自不能不還以一缺  
應如所請准其將所裁江蘇內河外海水師  
千把外委及通州海門兩營守備千把外委  
分歸兩提督會商該督先行序補俟所裁之  
人補竣再補他項人員至江蘇所裁之缺該

督因遷就姑存舊官全裁外委未裁千把將來千把出缺以一半改爲外委之缺其究應裁千把若干外委若干應令妥察情形續行籌議至所稱兩項舊官於未補缺之先仍酌給俸薪以資養贍等語查例載現任武職裁缺留標另補照原任職銜支給俸薪該督所請本屬與例相符應如所議辦理惟外委一

項向食馬兵糧餉本無俸薪可支而本案營制又無馬步戰兵名目其應作何支給之處應由該督酌定報部查覈

一三鎮酌留陸兵查該督擬將蘇松等三鎮仍設中軍遊擊並各留陸兵歸中軍兼管應如所請除蘇松鎮中軍仍循其舊外其狼山鎮以通州營遊擊爲中軍福山鎮以該鎮左營

遊擊爲中軍以符體制而存舊規至蘇松狼  
山福山三鎮各留陸兵百人均歸三營中軍  
兼管係爲承應差務起見亦應如所議辦理  
一計算出入經費查江南水師營制定額之後  
續有添裁改撥該督因舊案無稽是以祇就  
中樞政考覈計而臣部逐款鈎稽自當以現  
時餉籍爲斷道光二十八年以後兵馬銷冊

及咸豐二年估冊內開江蘇水師二十一營  
歲需俸薪餉乾銀二十一萬四千一百三十  
五兩九錢三分四釐米五萬五百六十六石  
就定章折色估計每石例應折銀九錢五分  
計銀四萬八千三十七兩七錢該督所云餉  
米十四萬餘兩係屬約略計算卽清單內開  
弁兵名數較銷冊估冊互有多寡應就咸豐

二年估冊覈計至豐昌道光二十四年原奏  
新造船一百三十五隻計需銀十九萬七千  
九百二兩二錢四分每居十年拆造例動庫  
款其油艙大修之費由各屬攤捐分年牽算  
每年例動庫銀一萬九千七百九十兩二錢  
二分四釐該督所云歲及二萬餘金尙係璧  
昌以前時事非近案也計兵船兩項司庫實

動支銀二十八萬一千九百六十三兩八錢五分八釐而現定營制俸餉船米通計每年不過二十萬兩較之司庫例支之數尙可節省銀七八萬兩以節省之銀抵座船書識子藥等費當不至不敷自無庸議裁陸兵其座船書識子藥等費究須若干應由該督等詳細酌定奏明辦理船數兵數爲水師大局所

關如尙有擬裁船數之處應令該督隨時查看情形酌辦

議覆江蘇水師酌改舊制擬裁官兵事宜

一提督所屬之外海南匯營添設遊擊一員爲營官以福山中營遊擊改撥用廣艇二號頭號正哨都司副哨千總各一員均係舊制再增輪船一號正哨添都司一員以狼山左營



都司改撥副哨添守備一員以太湖營守備  
改撥應如所請並將舊制外委二員裁去其  
餘原制把總一員移於提標右營應歸裏河  
條內覈議至福山中營遊擊狼山左營都司  
太湖營守備原係內河水師題補之缺今旣  
撥南匯營均應改爲外海水師題補之缺廣  
艇二號應准其共配兵八十名查咸豐二年

估餉冊報南匯營都司守備千總各一員把  
總外委各二員配兵四百二名歲需俸薪餉  
乾銀六千九十二兩九錢本色米一千四百  
五十四石四斗今改定營制所有原估餉米  
應俟營政議定新章與舊制盈絀若干由該  
督通盤計算分別抵撥

一蘇松鎮所屬之外海中營以遊擊爲營官用

廣艇二號頭號正哨守備副哨把總各一員  
二號正哨千總副哨把總各一員均係舊制  
再增輪船一號正哨添都司一員以京口左  
營都司改撥副哨千總一員係屬舊制應如  
所請並將舊制外委六員裁去其原制把總  
二員移撥太湖營應歸裏河條內覈覆至蘇  
松中營遊擊守備各缺原係外海水師題補

之缺京口左營都司原係內河水師題補之  
缺今既撥歸蘇松鎮均應改爲外海水師題  
補之缺廣艇二號應准其共配兵八十名估  
冊內開蘇松鎮中營總兵一員遊擊守備各  
一員千總二員把總四員外委六員配兵七  
百八十四名歲需俸薪餉乾銀一萬一千九  
百八十一兩六錢二分二釐本色米二千八

百四十四石今既改立營制所有原制餉米  
應查照南匯營一律辦理

一蘇松鎮所屬之外海左營以遊擊爲營官用  
廣艇二號頭號正哨守備副哨千總各一員  
均係舊制二號正哨添守備一員以福山中  
營守備改撥副哨千總一員係屬舊制應如  
所請並將舊制外委五員裁去其原制把總

四員移撥太湖營應歸裏河條內覈覆至蘇  
松鎮左營遊擊守備各缺原係外海水師題  
補之缺福山鎮中營守備原係內河水師題  
補之缺今旣撥歸蘇松鎮均應改爲外海水  
師題補之缺廣艇二號應准其共配兵八十  
名估冊內開蘇松左營遊擊守備各一員千  
總二員把總四員外委五員配兵六百名歲

需俸薪餉乾銀八千八百九十兩四分六釐  
本色米二千一百七十八石今既改立營制  
所有原估餉米應查照南匯營一律辦理

一蘇松鎮所屬之外海吳淞營今改歸福山鎮  
標管轄仍以參將爲營官用廣艇二號頭號  
正哨守備副哨把總各一員二號正哨千總  
副哨把總各一員均係舊制再增輪船一號

正哨添都司一員以劉河營都司改撥副哨  
千總一員係屬舊制應如所請至吳淞營原  
制係外委九員今該督聲敘七員覈與舊額  
不符應另行查覆辦理其原制千總一員移  
撥淞南營把總四員移撥淞北營應歸裏河  
條內覈覆再吳淞營參將守備原係外海水  
師題補之缺今旣撥歸福山鎮標應仍爲外



海水師題補之缺劉河營都司原係外河水  
師題補之缺今既撥歸福山鎮標應改爲外  
海水師題補之缺廣艇二號應准其共配兵  
八十名估冊內開吳淞營參將守備各一員  
千總三員把總六員外委九員配兵一千五  
十二名歲需俸薪餉乾銀一萬六千七十四  
兩四分六釐本色米三千八百一十九石六

斗今既改立營制所有原估餉米應查照南  
匯營一律辦理

一蘇松鎮所屬之外海川沙營今改隸福山鎮  
標管轄仍以參將爲營官用廣艇二號頭號  
正哨守備副哨千總各一員均係舊制二號  
正哨添守備一員以狼山中營守備改撥副  
哨把總一員係屬舊制應如所請至川沙營

原制把總六員外委八員該督聲敘把總五員外委七員覈與舊額不符應另行查覆辦理其原制千總三員撥副哨一員裁去一員餘一員移撥太湖營把總五員撥副哨一員餘四員移撥淞南營應歸裏河條內覈覆又掘港營添遊擊一員爲營官以狼山中營遊擊改撥用廣艇二號頭號正哨添守備一員

以狼山左營守備改撥副哨把總一員係屬  
舊制二號添守備一員以蘇松右營守備改  
撥副哨把總一員暨增輪船一號正哨都司  
副哨千總各一員均係舊制應如所請並將  
舊制外委二員裁去至狼山中營守備原係  
內河水師題補之缺今旣撥歸福山鎮應改  
爲外海水師題補之缺狼山中營遊擊左營

守備各缺原係內河水師題補之缺今旣撥  
歸掘港營均應改爲外海水師題補之缺蘇  
松右營守備原係外海水師題補之缺今旣  
撥歸掘港營應仍爲外海水師題補之缺其  
川沙營廣艇二號應准其共配兵八十名掘  
港營廣艇二號亦准其共配兵八十名估冊  
內開川沙營參將守備各一員千總三員把

總六員外委八員配兵一千十五名歲需俸  
薪餉乾銀一萬五千四百四兩八錢四分六  
釐本色米三千六百八十二石六斗掘港營  
都司千總各一員把總二員外委二員配兵  
二百三十九名歲需俸薪餉乾銀三千七百  
八十八兩三錢八分四釐米八百六十七石  
六斗又隨大三板二隻戰守兵四十二名歲

欽定大清會典事例  
卷一百一十五  
三  
餉五百九十四兩米一百五十一石二斗本  
營米係本折各半折色銀每石九錢五分今  
改立營制所有原估銀米應查照南匯營一  
律辦理

查以上所設外海各營均係舊制移改該督  
係爲水師緊要因時制宜起見均應照准其  
提督蘇松狼山福山三鎮各帶輪船一號將

來或不分標分營俟輪船造成由該督等妥爲詳議至所裁千把總外委各缺數目有與兵部官冊不符者應令查明聲覆再行覈辦至外海六營共用兵四百八十名應如該督所議准其如數辦理

一蘇松鎮所屬之外海右營今請改作內洋添遊擊一員爲營官以京口中營遊擊改撥用



八團三板十二號哨官都司一員千總二員  
把總四員外委五員均係舊制應如所請並  
將舊制守備一員移撥掘港營應歸外海條  
內覈覆至哨官都司原係外海水師題補之  
缺今改內洋應改爲內洋水師題補之缺京  
口中營遊擊原係內河水師題補之缺今旣  
撥歸蘇松鎮應改爲內洋水師題補之缺八

團三板十二號應准其共配兵二百四十名  
估冊內開蘇松鎮右營都司守備各一員千  
總二員把總四員外委五員配兵六百名歲  
需俸薪餉乾銀八千七百七十六兩一錢本  
色米二千一百七十八石今既改立營制所  
有原估銀米應查照南匯營一律辦理

一福山鎮所屬之外海左營今請改作內洋以

遊擊爲營官用八團三板十二號哨官守備  
一員千總二員把總四員外委五員均係舊  
制應如所請並將舊制外委一員裁去至營  
官遊擊哨官守備各缺原係外海水師題補  
之缺今改內洋應改爲內洋水師題補之缺  
八團三板十二號應准其配兵二百四十名  
估冊內開福山鎮左營遊擊守備各一員千

總二員把總四員外委六員配兵七百九名  
歲需俸薪餉乾銀一萬八百七十六兩四分  
六釐本色米二千五百七十四石今旣改立  
營制所有原估餉米應查照南匯營一律辦  
理

一狼山鎮所屬之外海右營今請改作內洋以  
遊擊爲營官用八團三板十二號哨官守備

一員千總二員把總四員外委五員均係舊制應如所請其餘外委一員裁去惟舊制外委係五員今該督聲敘六員裁去一員覈與缺數不符應另行查覆辦理至營官遊擊哨官守備各缺原係外海水師題補之缺今改內洋應改爲內洋水師題補之缺八團三板十二號應准其共配兵二百四十名估册內

開狼山鎮中左右三營總兵一員遊擊三員  
都司一員守備三員千總六員把總十二員  
外委十六員配兵一千八百八十一名歲需  
俸薪餉乾銀二萬九千一百九十兩一錢四  
分四釐米六千八百三十二石八斗又隨大  
三板十七隻小三板二隻戰守兵三百十六  
名歲餉四千三百八十六兩米一千一百三

十七石六斗本營米係與掘港營同制本折  
各半折價亦同今既改立營制所有原估銀  
米應查照南匯營一律辦理再據該督稱中  
營卽通州營汎地左營卽海門營汎地是以  
歸併覈覆

一狼山鎮所屬新設通州營改用八團三板十  
二號仍以遊擊爲營官哨官都司二員守備

一員千總二員把總三員外委四員均係新設長江水師營制前議用長龍三板等船今改用八團三板並改作內洋均應如所請並准將原制千總四員裁去二員把總六員裁去三員外委十員裁去六員八團三板十二號應准其共配兵二百四十名所裁千總等官十一員留標另補照例支給俸薪惟外委



一項例無俸薪可支若照本案支給舵糧雙分轉較千總等官爲優究應如何支給之處應由該督酌議報部查覈至裁兵一百七十一名應併扣除餉米以昭覈實

一狼山鎮所屬新設海門營改用八團三板十二號仍以副將爲營官哨官都司二員守備一員千總四員把總五員均係新設長江水

師營制前議用長龍三板等船今改用八團  
三板並改作內洋均應如所請並准將原制  
守備三員裁去二員千總十員裁去六員把  
總九員裁去四員八團三板十二號應准其  
共配兵二百四十名裁缺另補之守備等官  
十二員及裁兵二百五十名之俸薪餉米應  
查照通州營一律辦理

查以上所議改設內洋各營除海門通州二營外其餘三營均係舊制移改應請照准至內洋五營共兵一千二百名應如該督所議准其如數辦理

一提督所屬之內河右營改爲裏河以參將爲營官用長江三板船二十號哨官守備一員原制千總三員今添四員以劉河營千總二

員福山中營千總二員移調共爲七員原制  
把總四員今添五員以劉河營把總四員南  
匯營把總一員移調共爲九員並留舊制外  
委三員該督均請改爲裏河應如所請至營  
官參將哨官守備各缺均係舊制原係內河  
水師題補之缺今改爲裏河均應改爲裏河  
水師題補之缺並准將舊制外委裁去四員

三板二十號應准其共配兵二百八十名估  
冊內開提督右營參將守備各一員千總三  
員把總四員外委七員配兵七百二十五名  
歲需俸薪餉乾銀一萬一千五十兩四分六  
釐本色米二千六百三十五石二斗今旣改  
立營制所有原估銀米應查照南匯營所議  
辦理

一提督所屬之太湖左右兩營原制副將一員  
都司一員守備一員千總三員把總四員外  
委四員今請將太湖左營以副將爲營官右  
營卽以都司爲營官仍歸副將統轄每營用  
長江三板船各十三號兼用八團三板各二  
號哨官各十五員內左營千總三員右營千  
總三員原制千總三員今添三員共爲六員

所添千總三員以川沙營一員狼山中營二員移調兩營把總各十員原制把總四員今添十六員共爲二十員所添之把總以福山中營二員蘇松中營二員左營四員狼山中營左營各四員移調並留舊制外委各二員應如所請查太湖原制外委左右兩營均係三員今該督聲敘各二員之處覈與舊額不

符應另行查覆辦理至舊制守備一員裁去  
移於南匯營應歸外海條內覈議其長江三  
板每號配兵十四名八團三板每號配兵二  
十名應准其共配兵四百四十名估冊內開  
太湖左營副將都司各一員千總把總各二  
員外委三員配兵三百七十六名歲需俸薪  
餉乾銀六千一百九十七兩二錢五分二釐



本色米一千三百六十四石四斗太湖右營  
守備千總各二員外委三員配兵三百七十  
九名歲需俸薪餉乾銀五千五百六十六兩  
三錢六釐本色米一千三百七十五石二斗  
今既改立營制所有原估餉米應查照南匯  
營所議辦理

一提督所屬之內河京口協中營原制副將一

員遊擊一員守備一員千總一員把總五員  
外委六員今請將京口中營改爲淞北營仍  
以副將爲營官用長江三板十五號哨官守  
備一員原制千總一員今添二員以狼山左  
營千總二員移調共爲三員原制把總五員  
今添五員以吳淞營把總四員福山中營把  
總一員移調共爲十員外委一員應如所請

裁去五員其舊制遊擊一員移於蘇松右營  
應歸內洋條內覈覆惟原制千總二員今該  
督聲敘一員原制把總四員今該督聲敘五  
員均覈與舊額不符應另行查覆辦理長江  
三板十五號應准其共配兵二百一十名估  
冊內開京口左營副將遊擊守備各一員千  
總二員把總四員外委六員配兵七百七十

一名歲需俸薪餉乾銀一萬二千七百五十九兩五錢四釐米二千七百九十七石二斗又隨大三板船五隻小三板船二隻水兵一百三十九名歲需餉一千九百三十八兩本色米五百石四斗今旣改立營制所有原估銀米應查照南匯營所議辦理

一提督所屬之內河京口協右營原制遊擊一

員守備一員千總二員把總五員外委六員  
今請將京口右營改爲淞南營仍以遊擊爲  
營官用長江三板十五號哨官守備一員原  
制千總二員今添一員以吳淞營千總一員  
移調共爲三員原制把總五員今添五員以  
福山中營把總一員川沙營把總四員移調  
共爲十員外委一員應如所請裁去五員惟

原制把總四員今該督聲敘五員覈與舊額  
不符應另行查覆辦理長江三板十五號應  
准其共配兵二百一十名估冊內開京口右  
營遊擊守備各一員千總二員把總四員外  
委六員配兵七百七十八名歲需俸薪餉乾  
銀一萬二千一兩六錢四分六釐本色米二  
千八百二十二石四斗又隨大三板船五隻

小三板船二隻水兵七十五名歲餉一千五十兩本色米二百七十石今既改立營制所有原估銀米應查照南匯營所議辦理

查以上所設裏河各營均係舊制內河移改均擬照准至裏河五營共兵一千四百四十四名應如該督所議准其如數辦理

一漕標所屬之內河鹽城營原制遊擊一員守

備一員千總二員把總二員外委二員旣據  
該督聲稱暫仍其舊應卽照准惟該營外委  
原制係五員今該督聲敘二員應令查照更  
正至配兵六百九十六名應如所奏辦理估  
冊內開鹽城營遊擊守備各一員千總把總  
各二員外委五員配兵六百七十七名歲需  
俸薪餉乾銀一萬五百八十四兩四分六釐



米二千四百五十五石二斗本折各半折色  
每石九錢五分該營既仍舊章所有弁兵關  
支名數應令查照咸豐二年報部估冊更正  
一漕標所屬之內河東海營原制都司一員千  
總一員把總二員外委二員既據該督聲稱  
暫仍其舊應卽照准惟該營外委原制係三  
員今該督聲敘二員應令查照更正至配兵

四百五十二名應如所奏辦理估冊內開東  
海營都司千總各一員把總二員外委三員  
配兵四百四十五名歲需俸薪餉乾銀六千  
六百六十八兩一錢九分四釐米一千六百  
十二石八斗本折各半折價同前所有弁兵  
關支名數應照鹽城營所議一律更正

一督標所屬之內河高資營改爲京口協左營

查原制都司千總把總各一員外委二員嗣經移改爲京口左營都司一員京口左營高資汛千總一員京口中營右哨把總一員京口左營外委二員今該督單開擬將把總一員外委二員裁去是否卽係此缺又該營尙有千總一員該督並未聲敘覈與部冊不符應另行查覆辦理所請裁去此營並將都司

移調應如所請歸外海條內覈覆估冊內開  
高資營都司千總把總各一員外委二員隨  
大三板船四隻小三板船八隻水兵五百四  
十五名歲需俸薪餉乾銀七千九百一十四  
兩九錢九分四釐本色米一千九百六十九  
石二斗今旣擬裁撤此營所有原估餉米仍  
應照南匯營所議續行報部備抵

一提督所屬之內河劉河營原制都司一員千  
總二員把總四員外委四員今請將舊制劉  
河營裁去卽係新設淞北營之地其都司一  
員千總二員把總四員均經移調實裁外委  
四員查劉河營原制外委六員今該督聲敘  
四員數與舊額不符應另行查覆外其所請  
裁去此營移調應如所請歸外海條內覈覆

又福山鎮中營原制遊擊一員守備一員千  
總二員把總四員外委六員今請將遊擊一  
員守備一員千總二員把總四員移調實裁  
外委六員應如所奏辦理估冊內開劉河營  
都司一員千總二員把總四員外委六員配  
兵六百二十四名歲需俸薪餉乾銀九千七  
百一十九兩七錢九分四釐本色米二千二

百六十八石福山鎮中營總兵一員遊擊守  
備各一員千總二員把總四員外委六員配  
兵七百五十三名歲需俸薪餉乾銀一萬一  
千三百五十一兩二錢二分二釐本色米二  
千七百三十二石四斗今既擬裁撤所有原  
估餉米應均照南匯營所議辦理

一狼山鎮所屬之內河中營原制遊擊一員守

備一員千總二員把總四員外委三員今該督請將此營裁去應卽准照至所稱遊守千把各員均已移調他處實祇裁去外委三員查狼山中營原制外委六員今該督聲敘三員覈與舊額不符應俟查覆再行覈辦

一狼山鎮所屬之內河左營原制都司一員守備一員千總二員把總四員外委三員今該



督請將此營裁去應卽照准至所稱都守千  
把各員均已移調他處實祇裁去外委三員  
查狼山鎮左營原制外委五員今該督聲敘  
三員覈與舊額不符應俟查覆再行覈辦狼  
山中左營原定弁兵餉米及應議事宜已見  
內洋狼山三營條內

查以上所擬移改添裁除鹽城東海兩營暫

仍其舊其餘外海內河各營分爲外海內洋  
裏河三支計外海六營內洋五營裏河五營  
共十六營並添裁兵丁均應如所議辦理中  
樞政考所載係屬原定額數續經各案添裁  
改撥自應就現在估冊覈計俸薪餉乾方昭  
覈實應令該督將各營餉米實數與現設營  
制用款通盤覈算分晰開單報部再單內所

稱十九營中存兵二千四百四十名照案覈  
查除鹽城東海二營仍照舊章及新設之通  
州海門營添裁額數應令覈計外計實存兵  
二千三百四十四名其所稱通州海門二營  
存兵五百二十八名照案覈查亦僅存四百  
八十名是否繕寫錯誤應令一併覈明報部  
以便估計俸餉奏入

上從之

欽定剿平粵匪方略卷四百二十

附設立長江水師章程

八年五月初二日兩江總督馬新貽協辦大學士湖廣總督李鴻章長江水師提督黃翼升奏言查長江水師續議事宜江西省九江南湖鄱湖水師三營湖南省洞庭岳州水師二營湖北省漢陽荊州水師二營一併裁撤當經

臣曾國

藩於兩江總督任內咨商江西湖北湖南三省  
督撫酌覈定議江西三營應歸撫臣劉坤一主  
政查江省原設水師三營均有分防陸路之責  
勢難全行裁撤擬改設九江城守六營酌留守  
備等官八員並將康山瑞洪兩處酌留把總外  
委各一員共計留官弁十員兵丁二百四十名  
庶於酌改舊制之中仍寓水陸兼防之意湖南

二營歸撫臣郭柏蔭於前署總督任內會同撫臣劉岷主政查湖南洞庭岳州水師兩營原駐之地適當衝要陸兵無多全賴水師接應不能不酌量改留擬將洞庭水師營改爲龍陽城守專營酌留守備等三員兵丁一百六十名岳州水師營員弁一概裁撤酌留水師兵丁六成併歸陸營管轄庶餉項不致虛糜而於南省要隘

大有裨益湖北二營歸撫臣郭柏蔭會同前護

撫臣何璟主政查湖北原設水師各營其中地

方繁雜隄防緊要有非長江水師所能兼顧者

擬將湖北漢陽營酌留水師千總把總各一員

荊州水師營酌留守備一員兵丁則酌量撤留

歸補庶於各處巡察不致稍疏荆隄防護可期

得力各等因先後咨商臣新貽復經函商臣國



藩覆加酌覈初次奏裁舊日額缺係爲新舊各營未能會同起見茲據該督撫臣各就地方情形分別定議或酌改陸路而減去冗員或仍留水師而各分專汛既可節省餉需兼可互資巡緝實於新營舊制兩不相妨臣鴻章蒞任後公同酌議意見相同謹將江西湖南湖北三省水師各營分別議改議留議裁各員弁兵丁彙繕

清單恭呈

御覽至應行增補馬糧添建營署及一切未盡事宜  
容俟定案後分別咨部辦理再臣等前准部議  
裁缺條內荊州營參將漢陽營副將是否在冊  
庸議裁之列原單未經聲敘應令具奏覈辦查  
湖北省荊州漢陽兩營前定裁缺單內因有應  
裁之守備等缺列入該二營名目並非裁去參

將副將本缺該二缺係陸路之缺本非濱江水師應請仍循其舊

應裁水師事宜三條

第一條江西省九江水師營額設守備一員把

總一員外委一員額外一員戰守兵二百三

十四名南湖營額設都司一員千總一員把

總二員外委三員額外一員戰守兵三百二

十七名鄱湖營額設都司一員把總一員外  
委一員戰守兵一百六十四名查潯陽係屬  
通商馬頭華洋聚處若城內防兵太少不足  
以資彈壓擬請改設九江城守營移紮城內  
留守備一員把總一員額外一員兵丁一百  
名大孤山汛設外委一員兵丁二十名兼守  
關庫湖口縣汛設專城把總一員協防額外

一員兵丁四十名彭澤縣汛設專城把總一員兵丁三十名蕭家嶺汛設外委一員兵丁一十名歸九江城守營守備專轄九江後營遊擊兼轄其鄱湖一營查康山瑞洪二處地處湖心五方雜處若不設兵巡查深恐藏垢納污爲盜賊淵藪擬將康山改設陸汛把總一員兵丁二十四名瑞洪亦改設陸汛外委

一員兵丁十六名歸饒州營管轄其餘官兵  
全數裁撤至所裁南湖營都司謝得勝一員  
已調補湖口營左哨都司又鄱湖營都司趙  
廷棟應請留省另補免其赴選應行增補馬  
糧添建營署一切未盡事宜定案後查議另  
行辦理

第二條湖南省洞庭水師營原設遊擊一員守

備一員千總二員把總四員外委四員額外  
三員戰守兵丁除同治四年裁撤外實存兵  
三百二十一名查龍陽縣與常德毗連地當  
孔道差務殷繁龍陽並無陸營遇有差使悉  
由洞庭水師營應付分防水塘存兵無多擬  
請改爲陸營裁去遊擊一員千總二員把總  
二員外委三員額外三員留守備一員把總

員外委一員改爲龍陽城守專營酌留兵  
丁一百六十名其餘一百六十一名一律裁  
撤該營四十二塘現旣改爲陸營仍由縣酌  
設陸路塘汛仍分三路專派把總外委各帶  
兵二十名分駐巡防均歸龍陽城守營守備  
專轄常德協副將兼轄陸路失防歸陸營承  
緝所裁遊擊一員應照部咨候選千總二員



把總二員外委三員額外三員均請改補本省陸路之缺又岳州水師營原設守備一員千總一員把總二員外委一員額外二員戰守兵一百三十名現因岳州城守營存城陸路兵丁裁減後不敷差遣全資水師接濟擬請酌留水師六成兵丁七十八名併歸陸營城守營管轄以補不足其餘四成兵丁五十

二名及各員弁一併裁撤所裁守備一員應請歸於省標改爲陸路守備酌量補用免其赴部候選

第三條湖北省漢陽營濱臨襄河極爲要隘該處本爲通商馬頭華洋交涉所有水師千總擬請毋庸裁撤仍令管率舊部兵丁以期保衛至水師把總向駐新隄鎮查漢陽縣屬之

黃陵磯河港分歧上通荆襄下達武漢爲盜賊出沒之區請將新隄水師把總移紮黃陵磯其原部兵丁五十名應酌留十名帶往巡防其餘四十名概行裁去又荊州水師營額設守備一員千總一員把總二員經制外委一員額外外委一員兵丁二百一十二名駐紮府城西隅筭箕窪地方分防石首監利二

縣水汛嗣因萬城大隄緊要做照河工例撥  
兵建卡駐防該隄縣長八九十里爲荊州全  
郡及下游保障每遇汎泛險工疊出往往不  
敷搶護今新設長江水師官兵旣係以船爲  
家不准陸居兼係外來之人與本境隄長圩  
甲人等性情亦難相合應請酌留守備一員  
兵丁九十二名防護萬城大隄以資熟習仍

歸宜昌鎮統轄其千總一員把總一員外委  
一員額外一員應請一併裁撤兵丁一百二  
十名本擬概行裁去惟查該營曾撥荊州城  
守營兵丁一百名咸豐七八兩年議設長江  
水師又經兩次奉裁荊州城守營馬兵六名  
戰兵六名守兵四十四名該營爲七省通衢  
濱臨江湖分布四縣七汛每遇分撥訓遣諸

多掣肘請將該營裁歸長江水師馬戰守兵  
五十六名在於現在議裁之荊州水師營兵  
丁內按數撥還歸復該營舊額責成承管內  
河內湖員弁管帶其餘兵丁六十四名照章  
裁撤奏入得

旨軍機大臣會同該部速議具奏

八年六月初十日軍機大臣戶部禮部兵部工

部會奏言 臣等查同治七年五月會議兩江總督曾國藩等續陳長江水師未盡事宜案內聲稱濱江舊設水師不能與長江新營相合擬將湖北原設之荊州參將營漢陽副將營湖南原設之洞庭水師營岳州水師營江西原設之鄱湖南湖九江水師營均各裁去等因當經 臣等分別議覆准其裁撤至湖北原設之荊州參將

管漢陽副將營均經裁去而單開應裁各缺內  
並未將荊州營之參將漢陽營之副將敘入查  
該二營均係駐紮府城陸路之缺並非濱江水  
師是否在毋庸議裁之列應令查明具奏到日  
另行覈辦奉

旨允准當經行文各該督撫去後今據該督等會同  
查覆除湖北漢陽營副將荊州營參將本非濱



江水師請仍舊制擬卽照准外至所請將前次  
奏准裁撤之江西湖南湖北舊制水師七營現  
擬改設營汛酌留員弁各節旣經該督撫等各  
就地方情形悉心酌覈自係因地制宜變通辦  
理應如所請准其分別改設營汛酌留員弁俾  
資分布而專責成其裁留兵丁自係審度形勢  
量爲變通亦應如所請辦理江西湖南湖北省

舊制水師七營現擬改設營汛所需官兵俸餉  
自應照例支給至增補馬糧卽令各該督撫嚴  
實酌議每營汛應設馬兵若干名咨部另行覈  
辦其添建改設營汛等官衙署等項應如該督  
所請卽行委員勘估各員關防應卽鑄造頒發  
臣等謹查照原擬各條分別覈議另繕清單恭  
呈

御覽其一切未盡事宜仍令該督撫等分別題咨辦理

應裁水師事宜三條

第一條江西九江水師查江西九江水師營舊制守備把總外委額外各一員今請改設九江城守營移紮城內留守備把總額外各一員其於外委一員改設大孤山汛南湖營舊

制都司千總各一員把總二員外委三員額外一員今請於湖口縣汛設專城把總一員協防額外一員彭澤縣汛設專城把總一員蕭家嶺汛設外委一員歸九江城守營守備專轄九江後營遊擊兼轄鄱湖營舊制都司把總外委各一員今請於康山改設陸汛把總一員瑞洪改設陸汛外委一員歸饒州營

管轄應如所請除九江水師一營改爲陸路  
員弁各缺毋庸議裁外其南湖營計仍裁都  
司千總各一員外委二員鄱湖營仍裁都司  
一員至裁缺之南湖營都司謝得勝業經准  
調長江水師湖口營左哨都司自應毋庸置  
議裁缺之鄱湖營都司趙廷棟旣據該督等  
奏請留省另補尙與裁缺改補人員准其奏

留本省補用章程相符應准其俟有江西陸路都司缺出請補再九江水師營守備舊制係內河水師部推之缺今該督等請改設九江城守營守備應改爲陸路提補之缺由該督撫揀選材技優長諳練地方之員請補查各省員缺如有因地方緊要將推缺改爲題缺者仍應於事簡題缺內改還江西省守備

並無題缺應請免其改還其裁缺之九江水師營守備一員前於議覆續陳長江水師未盡事宜案內行查是否專將守備徑留該省另補應令查覆再行覈辦在案今仍未據聲覆應由該督撫查照前咨迅卽咨覆江西水師三營額設兵丁七百二十五名共留兵二百四十名其餘全數裁撤係爲減兵節餉因

時制宜起見應如所擬辦理仍令該撫造入  
年終彙題冊內報部查覈至各省設立營汛  
向以千總爲專汛外委爲協防副將以下守  
備以上等官爲統轄兼轄今九江城守營守  
備爲專轄九江後營遊擊爲兼轄遇有盜劫  
案件應如何分別開叅之處應由該督等先  
行酌定報部覈辦



第二條湖南洞庭水師查湖南洞庭水師營舊制遊擊守備各一員千總二員把總外委各四員額外三員今請改設龍陽城守專營留守備一員把總二員外委一員仍分三路專派把總外委分駐巡防均歸龍陽城守營守備專轄常德協副將兼轄應如所請除岳州水師一營員弁各缺仍照前議全行裁撤外

其洞庭水師營計仍裁遊擊一員千總把總  
各二員外委額外各三員至裁缺之洞庭水  
師營遊擊一員應由該督撫照例給咨赴部  
候選裁缺之岳州水師營守備一員既據該  
督等奏請留省改補尙與裁缺改補人員准  
其奏留本省補用章程相符應准其俟有湖  
南陸路守備缺出請補再洞庭水師營守備

舊制係內河水師部推之缺今該督等請改  
設龍陽城守營守備係因地當衝要起見應  
改爲陸路題補之缺由該督撫揀選精明幹  
練熟悉地方之員請補惟查各省員缺如有  
因地方緊要將推缺改爲題缺者仍應於事  
簡題缺內改還今洞庭水師營守備移作龍  
陽城守營守備改爲題缺應令該督撫照例

於事簡題缺守備內改還推缺以符定制其  
裁缺之千總以下各弁前經議覆由各該督  
撫遇有陸路缺出卽行改補應令該督撫查  
照前議辦理湖南水師二營額設兵丁四百  
五十一名共留兵二百三十八名其餘全數  
裁撤旣據該督等酌量地方情形分別裁撤  
亦應如所擬辦理仍令造八年終彙題冊內

報部查覈至各省設立營汛向以千把爲專  
汛外委爲協防副將以下守備以上等官爲  
統轄兼轄今龍陽城守營守備爲專轄常德  
協副將爲兼轄如遇失事應如何分別開柰  
之處應令該督等先行酌定報部覈辦

第三條湖北漢陽水師查湖北漢陽水師營舊  
制千總把總各一員今請將水師千總毋庸

裁撤水師把總改駐黃陵磯荊州水師營舊制守備千總各一員把總二員外委額外各一員今請留守備一員防護大隄仍歸宜昌鎮統轄應如所請除漢陽水師一營千把各缺仍循舊制外其荊州水師營計仍裁千總一員把總二員外委額外各一員至荊州水師營守備舊制係水師題調之缺今該督等

因隄防緊要請留守備一員應仍作爲水師  
題調之缺由該督等揀選精明熟諳之員題  
請調補其裁缺之千總以下各弁前經議覆  
由各該省督撫遇有陸路缺出卽行改補應  
令該督撫查照前議辦理湖北水師二營額  
設兵丁二百六十二名共留兵一百六十八  
名其餘全數裁撤係爲互資巡防節省餉需

起見應如所擬辦理仍令造八年終彙題冊  
內報部查覈至酌留改駐各員弁應令認真  
巡查江面遇有失事卽行開柁照例議處奏  
入

上從之